

12. janúar 2007



Sportbílaæði í stjórn 365 Allir á Porsche nema Pálmi

| 4 |



Fótboltamamm-an á Skaganum


Fjórir synir, fjórir frábærir fótboltamenn

| 6 |

DILANA Í VIÐTALI

„Ég veit að Eyrún kennir mér um skilnaðinn“

VIÐTAL 2



Athafnakonan Ingibjörg Þorvaldsdóttir:

LÆTUR BARNEIGNIR EKKI STOPPA SIG

Glæsilegt
Janúar
tilboð

Baðinnréttingar á botnverði
Til afgreiðslu af lager

Komdu með málsetta
grunnmynd af baðinu þínu
og við hönnum, teiknum og
gerum þér hagstætt tilboð.



Mán. - fös. kl. 9-18
Laugard. kl. 10-15

Friiform

Askalind 3 · 201 Kópavogur · Sími: 562 1500



20%
Afsláttur af
völdum gerðum



* Tveir skápalitir, hvítur eða koksgrár

* Heilsteypt vaskborð eða plastlagðar borðplötur og borðhandlaugar

* Fjöldi skápa og hurðagerða

fréttir

■ Heyrst hefur



Apótekið til sölu

Einn vinsælasti veitingastaður miðbæjarinn Apótekið er til sölu. Sirkus hefur heimildir fyrir því að eigendurnir og hjónin, **Guffi og Gulla**, séu nálægt því að komast að samkomulagi við þekktan veitingamann um kaup á staðnum. Ekki er vitað hvert kaupverðið er en miðað við staðsetningu og vinsældir ætti að vera um töluverðar fjárhæðir að ræða.

Bachelorinn kominn með kærustu



Einn þekktasti piparsveinn landsins, **Steingrímur Randver Eyjólfsson**, er kominn með nýja kærustu

upp á arminn. Sú heppna heitir **Hrónn Helgadóttir** og er hárgreiðslustúlka. Nýja parið býr á Akureyri en Steini vildi ekkert segja um sambandið. „Ég er kominn með nóg af fjölmiðlaumfjöllun og vil bara fá að vera í friði hér í sveitinni. Þetta var skemmtileg reynsla en nú er komið nóg,“ sagði Steini við Sirkus.



Auðunn á fullu í ræktinni

Sjónvarpsmaðurinn **Auðunn Blöndal** æfir nú af miklum móð í ræktinni til að vera í sem bestu formi fyrir hlutverk sitt sem kynnr á Hlustendaverðlaunum FM sem fara fram 23. janúar í Borgarleikhúsinu. Mörgum þótti Auðunn hafa bætt töluvert á sig á síðasta ári en hann tekur vel á lóðunum og hrynja kilóin hreinlega af honum. Sem veitir ekki af þar sem innkoma hans á hátíðina verður með óvenjulegum hætti sem ekki verður farið nánar út í hér.

ROCKSTAR-SÖNGKONAN DILANA UM SKILNAÐ MAGNA OG EYRÚNAR

„Ég er ekki ástæðan fyrir skilnaðinum“



Þetta eru gróusögur. Ég talaði við Magna og okkur er skítsama um þessar sögur. Fólk getur talað eins og það vill en ég er ekki ástæðan fyrir skilnaði þeirra,“ sagði söngkonan Dilana í einkaviðtali við Sirkus en þrálátur orðrómur þess efnis að hún sé ástæðan fyrir skilnaði Magna Ásgeirssonar og Eyrúnar Huldur Haraldsdóttur hefur gengið um allt Ísland allt frá því að Magni og Eyrún birtu fréttatilkynningu í DV fyrir viku þar sem þau tilkynntu að þau hefðu slitnið samvistir.

Dilönu og Magna varð afar vel til vana á meðan á upptökum stóð á sjónvarpsþættinum Rockstar Supernova síðastliðið sumar og hún hefur meðal annars komið til Íslands nokkrum sinnum síðan. „Auðvitað elskum við hvort annað sem nánir og góðir vinir. En við erum bara vinir,“ sagði Dilana og bætti við að þátturinn hefði breytt lífi allra þátttakendanna. „Magni breyttist og þroskaðist frá sambandinu. Þessi heimski þáttur breytti okkur

EYRÚN HULD HARALDSDÓTTIR Dilana hrósar Eyrúnu Huld í hástert en segir Magna hafa þroskast burtu frá sambandinu á meðan hann dvaldi í Bandaríkjunum.

SAMSTÍGA Á SVIÐINU Magni og Dilana tróðu upp í starfsmannapartíi Ícelandair í lok október.

öllum, gerði okkur að öðrum einstaklingum með aðrar væntingar um okkur sjálf og lífið.“

Aðspurð hvort hún sæi fyrir sér að hún og Magni myndu byrja saman nú þegar hann er laus og liðugur svaraði Dilana því neitandi. „Alveg örugglega ekki. Við erum bara vinir sem viljum fá að spila okkar tónlist. Ég veit að Eyrúnu finnst að þetta sé mér að kenna en ég neita að samþykkja það. Hún er stórkostleg kona og er Marínó frábær móðir en aðeins ég og Magni munum vita hinn raunverulega sannleika,“ sagði Dilana. Hún vildi ekki skýra nánar þessa síðustu setningu þegar sérstaklega var gengið á eftir því.

Magni mun væntanlega halda til móts við Dilönu og aðra Rockstar-söngvara í næstu viku þar sem hann mun fara í tveggja mánaða tónleikaferðalag um gjörvöll Bandaríkin. „Ég hlakka til að sjá hann og vona að hann komi í næstu viku. Það er verið að vinna í vegabréfáritun fyrir hann og ég á von á því að það klárast um helgina. Það verður gaman að hittast aftur og spila tónlist,“ sagði Dilana.

- óþh

Bubbi í hljóðver með Mínusliðum

Bubbi Morthens er á leið inn í hljóðver til að hefja upptökur á nýjstu plötu sinni sem kemur út síðar á þessu ári. Hann sagði í samtali við Sirkus að hann væri kominn í startholurnar og gæti ekki beðið eftir því að byrja. Með honum á plötunni verða Mínus-mennirnir Frosti og Bjóssi og sagði Bubbi að það lægi augum uppi hvers konar tónlist yrði á plötunni. „Þetta verður rokk,“ sagði Bubbi en hann veit ekki enn upp hár hvenær platan kemur fyrir augu almennings.

Bubbi gaf ekki út neina plötu með frumsömdu efni á síðasta ári enda árið undirlagt af uppákomum í tilefni fimmtíu ára afmælis hans. Upptaka af afmælistónleikum hans 06.06.06 og DVD-

Bubbi Morthens Ætlar að rokka á næstu plötu sinni sem litur dagsins ljós á þessu ári.

diskur með sama efni seldist þó ljómandi vel og seldust alls á bilinu 16 til 17 þúsund eintök af þessum tveimur útgáfum.

Bubbi hefur löngum verið þekktur fyrir að fara sínar eigin leiðir þegar að því kemur að velja fólk til samstarfs við plötugerð. Tvær síðustu plötur sem hann gaf út með frumsömdu efni árið 2005 vann hann í samstarfi við Barða Jóhannesson. Þær voru lágstemmdar en nú verður talið í og rokkað.

Frosti og Bjóssi Mínus-rokkararnir verða Bubba til halds og trausts á nýju plötunni.



Fjölbrautaskólinn í Garðabæ
við Skólbraut, 210 Garðabæ • Sími 520-1600 • Fax 565-1957
vefslóð: <http://www.fg.is> • netfang: fg@fg.is



**Öflugt fjarnám í boði.
Hagstætt verð.**

Skoðið heimasíðuna:
www.fg.is

sirkus

Útgáfufélag 365 prentmiðlar **Útgefandi** Helgi Hermannsson, ábm. **Ritstjórn** Óskar Hrafn Þorvaldsson oskar@frettabladid.is, Indiana Ása Hreinsdóttir, indiana@frettabladid.is **Útlitshönnun** Kristín Agnarsdóttir kristina@frettabladid.is, **Yfirmaður sirkusmiðla** Árni Þór Vigfússon arni@minnsirkus.is **Sirkusblaðið** Skafahlíð 24 105 Rvk, sími 550 5000 **Söluþjóri** Gréta Karen Grétarsdóttir 550 5864 gretakaren@frett.is



KNUD HOLSCHER/d line PRÓFESSOR, ARKITEKT

Hann lauk námi í Arkitektaskóla Listaakademíunnar og varð prófessor þar 1968. Hann varð síðar meðeigandi í Arkitektastofunni KHR A/S arkitektar. Stofnaði síðan eigið fyrirtæki 1995, Knud Holscher Industrial Design (lönhönnun).

Hann hefur fengið mörg verðlaun og viðurkenningar í gegn um tíðina – nú síðast ID verðlaunin fyrir d line snyrtipilin fyrir almenningsalerni, ásamt ID verðlaunin fyrir klassíska hönnun 1999.



d line
Heimsklassa hönnun

ASETA

BYGGINGAVÖRUR BYGGINGATÆKNI

Tunguhálsi 19, 110 Reykjavík. Sími 533 1600
aset@aset.is www.aset.is



fréttir

Heyrst hefur



Magnús Ármann Hann og Þorsteinn eru bestu vinir og fluttu inn Porsche-bíla sína saman.

Ekkert að gerast á Fjölnisvegi

Ríkasti maður Íslands, **Björgólfur Thor Björgólfsson**, og sambyliskona hans **Kristín Ólafsdóttir** fjárfestu í 150 milljóna króna glæsivillu við Fjölnisveg síðasta sumar. Þau fengu eignina afhenta í byrjun september en hafa ekki enn hafist handa við breytingar. Húsið stendur eins og draugahús á meðan Björgólfur Thor og Kristín leigja einbýlishús í Fossvoginum, fjarni skarkala miðbæjarins.

Hebbi semur lag fyrir DV

Það er mikill hugur í liðsmönnum hins nýja DV sem ætla í stórsókn undir stjórn nýs ritstjóra **Sigurjóns M. Egilssonar**. Annað helgarblað hinnar nýju áhafnar lítur dagsins ljós í dag en ekki mun liða á löngu þar til blaðið fer í daglega útgáfu. Söngvarinn góðkunnir **Herbert Guðmundsson** hefur trú á þessu verkefni því hann labbaði upp á skrifstofu ritstjóra DV með kassettutæki og spilaði fyrir hann nýtt DV-lag sem hann hafði samið. Ekki fer neinum sögum af viðbrögðum ritstjórans.



Áttu 200 milljónir?

Ef þú ert í fasteignahugleiðingum og átt nóg af peningum þá gæti verið sniðugt að skoða rúmlega 600 fermetra glæsivillu sem tiskudrottningin **Íris Björk Jónsdóttir** í **GK** hefur sett á sölu á Sunnufliót í Garðabænum. Húsið er ekki enn risið en verður eitt hið glæsilegasta sem sést hefur á höfuðborgarsvæðinu. Og verðið? Kunnugir segja það vera



365

Þorsteinn M. Jónsson Flutti inn sérsníðaðan Porsche frá Þýskalandi.

STJÓRN 365 SAMTAKA Í BÍLAKAUPUM Á SÍÐASTA ÁRI

AKA ALLIR UM Á GLÆNÝJUM

PORSCHE NEMA PÁLMI



Þú segir nokkuð. Þetta er nú bara fyndið, sagði athafnamaðurinn Pálmi Haraldsson í Fons í samtali við Sirkus þegar honum var bent á að allir stjórnarmenn 365, sem er útgefandi Sirkuss, nema hann hefðu fjárfest í glænýjum Porsche-sportbílum á undanförunum mánuðum.

Jón Ásgeir Jóhannesson, stjórnarformaður 365 og forstjóri Baugs, Þorsteinn M. Jónsson, forstjóri Vífilssells og athafnamennirnir Magnús Ármann og Árni Hauksson keyptu sér allir stórglæsilega Porsche 911 Turbo bíla, sérsníðaða í Þýskalandi og er áætlað að hver bíll hafi ekki kostað undir 20 milljónum. Þeir sitja allir í stjórn fjölmiðlafyrirtækisins 365 ásamt hinum Porsche-lausa Pálma.

„Það stendur ekki til hjá mér að endurnýja,“ segir Pálmi og hlær. „Bílar hafa ekkert að segja í mínu lífi. Ef ég fengi mér nýjan þá myndi ég kaupa Volvo XC 90. Það er flottur bíll,“ segir Pálmi en hann gerir þó síður ráð fyrir því að endurnýja bíllinn sinn á þessu ári. „Þetta er fínt eins og það er,“ segir Pálmi sem ekur um bæinn á Range Rover.

Bílakostur stjórnarmanna 365 fyrir utan þessa Porsche-bíla er heldur ekki af verri endanum. Jón Ásgeir Jóhannesson er þekktur bílasafnari og er talið að bílar í hans eigu slagi hátt í þrjátíu. Magnús Ármann á tvo nýja Range Rover sem kosta báðir yfir tíu milljónir og Þorsteinn M. Jónsson á sömuleiðis Range Rover. Bílaáhugamenn gætu því gert margt verra við tímann en að skoða bílafloata stjórnar 365 þegar hún kemur saman.



Pálmi Haraldsson Á ekki Porsche og er alveg sama.

- óhþ



Jón Ásgeir Jóhannesson Stjórnarformaðurinn bætti Porsche í safnið.



Árni Hauksson Mikill fagurkeri sem elskar hraðskreiða bíla.

Dans er íprótt
Kynið alla

Barnadansar
Standard & suður amerískir dansar
Linudansar
FreeStyle - Jazz
Magadans & Salsa

Allir almennir dansar fyrir fullorðna, unglinga & börn.

Starfsmanna- & stéttaléiðg veita styrki vagna dansnámskeiða. Aðeins úrváls kennarar með réttindi & áratuga reynslu.

Systkinaafsláttur!

Fagmennskan í fyrirrúmi

DANSSKÓLI
Sigurðar Hákonarsonar
Danispróttafélag Kópavogs - DÍK
Auðbrekku 17 - Kópavogi

www.dansari.is
Ópló hús til æfinga.

Ármann með settið úr Indiana Jones-mynd



Indiana Jones Vinsæl Indiana Jones and the Temple of Doom var gífurlega vinsæl mynd þegar hún kom út fyrir 22 árum og vann ein Óskarsverðlaun.

Nokkuð hefur verið rætt og ritað um áramótapartí bankamannsins Ármanns Þorvaldssonar í Hampden Court Palace í London um síðustu helgi. Partíð vakti mikla athygli enda meiru kostað til en venja er þegar Íslendingar bjóða til veislu. Fram hefur komið að hljómsveitin Duran Duran spilaði nokkur lög í risatjaldi sem reist var í garði hallarinnar fyrir þetta eina tilefni.

Það vakti þó jafnvel meiri athygli viðstaddra þegar inn í tjaldið komið að sviðið og barinn var fengið úr leikmynd stórmyndarinnar Indiana Jones and the Temple of Doom sem kom út árið 1984 og skartaði að sjálfsögðu Íslandsvininum Harrison Ford í hlutverki fornleifafraeðingsins geðþekka. Gestir Ármanns kunnu vel við sig í kunnuglegu umhverfi myndarinnar og drukk og borðuðu eins og þeir gátu í sig látið af finustu veigum og kræsingum.

Ármann Þorvaldsson Bauð ekki bara upp á Duran Duran heldur líka leikmyndina úr Indiana Jones-mynd, þá leikmynd sem birtist í upphafsatriði myndarinnar Indiana Jones and the Temple of Doom.



NÝTT BRAGÐ!

PEPSI



**MAX
LIME**

ALVÖRU BRAGÐ
EKKI SUGU



BJARNEY ÞÓRUNN JÓHANNESDÓTTIR BÝR TIL FANTAGÓÐA FÓTBOLTAMENN

Fótboltamamma á Skaganum

Þegar talað er um hvaðan bræðurnir Þórður (33), Bjarni (27) og Jóhannes Karl (26) Guðjónssynir hafa knattspyrnuhæfileikana er faðir þeirra, knattspyrnuþjálfarinn sigursæli Guðjón Þórðarson, yfirleitt nefndur til sögunnar. Flestir gleyma því að drengirnir þrír eiga líka móður, **Bjarneyju Þórunni Jóhannesdóttur** (50). Guðjón og Bjarney skildu árið 1984 en það stoppaði ekki Bjarneyju í því að búa til enn einn hæfileikaríka knattspyrnumanninn, Björn Bergmann Sigurðarson (15), með núverandi eiginmanni sínum Sigurði Haraldssyni. Bræður hans segja Björn þann efnilegasta af þeim öllum og hafa lið á borð við Manchester United sóst eftir honum. Björn ákvað að vera áfram á Skaganum til að læra af Guðjóni Þórðarsyni áður en hann hleypir heimdraganum sem virðist óumflýjanlegt í ljósi hæfileika hans. Óskar Hrafn Þorvaldsson ræddi við fótbolta-mömmu Íslands, Bjarneyju Þórunni Jóhannesdóttur og fræddist um það hvernig fara á að því að búa til góða fótboltamenn.

Ég veit ekki hvort ég hefði einhverja hæfileika í fótbolta. Ég held svei mér þá að ef svo hafi verið hafi drengirnir tekið þá alla frá mér," segir Bjarney Þórunn Jóhannesdóttir, móðir bræðranna Þórðar, Bjarna, Jóhannesar Karls og Björns á Akranesi. Aðspurð hvernig standi á því að henni hafi tekist að búa til fjóra drengi sem allir eru framúrskarandi fótboltamenn.

"Ég átti þrjá bræður sem voru í fótbolta en þeir komust ekki eins langt og strákarnir mínir. Þeir voru í unglíngalandsliðum en síðan ekki meira," segir Bjarney. Það skaðar að sjálfsgöðu ekki að Guðjón Þórðarson,

og á kvöldin og það var lítið um sælgæti," segir Bjarney.

Hún viðurkennir að það hafi oft verið mjög mikið fjör á heimilinu með þrjá tápmikla drengi. „Það var sjaldan dauður tími. Þeir voru mjög mikið með bolta inni og ég held að það sé bara ekkert eftir af gömlu dóti. Bjarni braut síðast fjórar stytur þegar hann var sautján ára en þá var hann í fótbolta úti í garði og sparkaði svo fast í rúðuna að stytturnar sem voru í gluggakistunni inni dattu nður á gólf og brotnuðu," segir Bjarney og hlær.

Hún vinnur við að kenna rope yoga á Akranesi og segir mikið hafi breyst síðan eldri synir hennar þrír voru að



Bjarney Þórunn Jóhannesdóttir og synirnir fjórir Þessi kjarnakona af Akranesi hefur búið til fjóra frábæra knattspyrnumenn. Þrír þeirra, Þórður, Bjarni og Jóhannes Karl Guðjónssynir hafa allir spilað í atvinnumennsku og með íslenska landsliðinu en þeim fjórða og yngsta, Birni Bergmann, er spáð miklum frama. Sirkusmynd/Anton Brink

„Við fengum hraðann frá henni“

Þórður Guðjónsson er elsti sonur Bjarneyjar Þórunnar. Hann segir móður sína kannski ekki hafa haft sömu áhrif á þá bræður eins og faðir þeirra Guðjón Þórðarson enda sé það eðlilegt þar sem Guðjón var á kafi í fótboltanum. „Við fengum hraðann frá henni. Hún þótti frá á fæti og hröð ólíkt föður mínum sem var aldrei talinn með fljótari mönnum," segir Þórður og hlær.

„Annars held ég að hún hafi frekar haft áhrif á karakter okkar bræðranna. Það eru persónuleg einkenni, skapið og fasið, sem koma frá henni. Hún hefur stutt okkur með ráðum og dád og mætt á alla leiki. Það hefur verið afar mikilægt," segir Þórður.

knattspyrnuþjálfarinn snjalli, er faðir þeirra þriggja elstu en það skýrir þó ekki fjórða soninn, hinn fimmtán ára gamla Björn Bergmann, sem er talinn hafa hæfileika til að verða sá besti af þeim. Bjarney segist halda að sá yngsti sé bestur. „Bræður hans vilja að minnsta kosti meina að hann sé sá besti af þeim miðað við aldur.“

Matarræðið skiptir máli

Bjarney segist hafa lagt mikla áherslu á matarræði sona sinna strax frá byrjun. „Þeir borðuðu mikið af fiski, kjöti og hafragraut og tóku lýsi á hverjum degi. Auk þess lögðum við mikla áherslu á að þeir drykkju mikið vatn. Ég eldaði mat bæði í hádeginu

alast upp. „Hér áður fyrr voru drengirnir í fótbolta allan daginn en sá yngsti er ekki þannig. Hann er í fótbolta í skólanum en annars gerir hann eitthvað allt annað. Það er mikill munur þar á," segir Bjarney.

Missir ekki af leik

Bjarney segir það vera mikilvægt að þau lögðu strax áherslu á að strákarnir myndu velja eina grein, að það þýddi ekki að vera með neitt hálfkák. „Þeir prófuðu næstum því allar íþróttir en völdu allir fótboltann. Við höfum staðið með þeim í gegnum súrt og sætt, höfum farið á alla leiki hjá drengjunum. Ég hef orðið mjög mikil fótboltaáhugamanneskja á þessum

langa tíma og ég og maðurinn minn missum ekki af leik hjá strákunum. Að horfa á strákana mína spila er eitt það skemmtilegasta sem ég geri. Sigurður, maðurinn minn, hefur ekki síður verið duglegur við að styðja við bakið á

þeim öllum fjórum. Það skiptir öllu máli," segir Bjarney og bætir við að auðvitað megi ekki gleyma þætti Guðjóns, föður Þórðar, Bjarna og Jóhannesar Karls.

„Hann hefur alltaf gert miklar kröfur til þeirra, meiri heldur en til annarra leikmanna. Þeir tóku það ekki nærri sér því þeir vissu hvernig hann er. Ég og Guðjón höfum alltaf haldið góðu sambandi frá því að við skildum fyrir 22 árum. Nú tekur hann við þeim yngsta sem hann hefur mikla trú á og það verður gaman að fylgjast með því," segir Bjarney.

Að halda sér á jörðinni

Bræðurnir eru þekkt prúðmenn utan vallar og Bjarney segir að það hafi alltaf verið lögð mikil áhersla á að drengirnir væru með báða fætur á jörðinni þrátt fyrir velgengi í fótboltanum. „Þeim var sagt það ítrekað að láta þetta ekki stíga sér til höfuðs. Þeir áttu ekki að vera montnir eða góðir með sig. Þeir áttu að venja sig á að vera kurteisir og ég er afskaplega ánægð með að þeir eru heilsteyptir ungir menn í dag. Þórður, Bjarni og Jóhannes Karl eru allir miklir fjölskyldumenn og það er yndislegt að sjá þá

þroskast og dafna sem eiginmenn og feður. Sá yngsti lofar líka góðu. Hann hlustar í það minnsta alltaf á mömmu sína. Það er góðs viti," segir Bjarney.

Dreymir um að synirnir spili saman

Bjarney á sér einn draum sem hún vonar að rætist einn góðan veðurdag: að sjá alla fjóra synina spila saman í liði ÍA. „Það væri rosalega gaman og eiginlega draumur að sjá þá spila alla fjóra saman í Skagaliðinu. Jóhannes Karl [sem spilar með hollenska liðinu AZ Alkmaar, innskot blm.] hefur sagt að hann ætli sér að koma heim eftir fjögur ár og ég get alveg séð Þórð vera enn að spila þá þrátt fyrir að hann verði orðinn 37 ára gamall. Það væri yndislegt," segir Bjarney sem getur þó huggað sig við að þrír synir hennar verða í Skagatreyjunni á næsta tímabili.

Hún er þó högværðin uppmáluð og vill varla gangast við viðurnefningu „Fótboltamma Íslands“ sem blaðamaður hefur búið til. „Ég veit það nú ekki, það verða aðrir dæma um það.“ Það væri rosalega gaman og eiginlega draumur að sjá þá spila alla fjóra saman í Skagaliðinu.“

STAÐREYNDIR UM BRÆÐURNA

Þórður Guðjónsson

→ **Fæddur:** 14. október 1973

→ **Eiginkona:** Anna Lilja Valsdóttir

→ **Börn:** Valdís Marselía 12 ára, Veronica Líf 9 ára og Victoria Þórey 15 mánaða.

→ **Félög:** KA, ÍA, Bochum (Þýskalandi), Genk (Belgíu), Las Palmas (Spáni), Derby (Englandi), Preston (Englandi) og Stoke (Englandi).

→ **A-landsleikir:** 58

→ **Mörk:** 13

Bjarni Guðjónsson

→ **Fæddur:** 26. febrúar 1979

→ **Eiginkona:** Anna María Gísladóttir

→ **Börn:** Helga María 4 ára og Jóhannes Kristinn 23 mánaða.

→ **Félög:** ÍA, Newcastle (Englandi), Genk (Belgíu), Stoke (Englandi), Bochum (Þýskalandi), Coventry (Englandi) og Plymouth (Englandi).

→ **A-landsleikir:** 17

→ **Mörk:** 1

Jóhannes Karl Guðjónsson

→ **Fæddur:** 1980

→ **Eiginkona:** Jófríður María Guðlaugsdóttir

→ **Börn:** Ísak Bergmann 4 ára og Jól Þór 2 ára.

→ **Félög:** KA, ÍA, Genk (Belgíu), MVV (Hollandi), Waalwijk (Hollandi), Real Betis (Spáni), Aston Villa (Englandi), Wolves (Englandi), Leicester (Englandi) og AZ Alkmaar (Hollandi).

→ **A-landsleikir:** 30

→ **Mörk:** 1



Útsala

KREDITKORT

NÝTT
KORTATÍMABIL



Armstóll í leðri
17.900 kr. **ÚTSÖLUVERÐ 14.300 kr.**



Borðstofustóll í leðri
11.900 kr. **ÚTSÖLUVERÐ 8.900 kr.**



Nardo armstóll í rússkinni
69.800 kr. **ÚTSÖLUVERÐ 34.900 kr.**



St. Tropez reyrstóll
24.600 kr. **ÚTSÖLUVERÐ 18.450 kr.**



Croco reyrstóll
24.900 kr. **ÚTSÖLUVERÐ 18.675 kr.**



Púðar **10 – 50% afsláttur**



Aucland bogasófi í leðri Litir: hvítt – brúnt 199.900 kr. **ÚTSÖLUVERÐ 129.900 kr.**

Paris lampar
Stór 24.600 kr. **ÚTSALA 17.400 kr.**
Mið 21.400 kr. **ÚTSALA 14.980 kr.**
Lítill 9.900 kr. **ÚTSALA 7.400 kr.**



10 – 50% afsláttur af öllum vörum

LÍNAN

H Ú S G Ö G N

SUÐURLANDSBRAUT 22 • SÍMI 553 7100 • www.linan.is

ATHAFNAKONAN INGIBJÖRG ÞORVALDSDÓTTIR EIGNAÐIST SITT ANNAÐ BARN FYRIR TVEIMUR MÁNUÐUM



Ingibjörg og synirnir tveir Stolt móðir ásamt sonum sínum Natan Smára og Baltasar Smára.

SIRKUSMYND/HEIÐA

SEST EKKI Í HELGAN STEIN ÞÓ AÐ BÖRNUNUM FJÖLGI

Það er ekki auðvelt að vera með verslunarrekstur í tveimur löndum og standa í barneignum á sama tíma. Athafnakonan **Ingibjörg Þorvaldsdóttir** rekur húsbúnaðarverslunina Habitat hér á Íslandi og fimm Oasis-tiskuvöruverslanir í Danmörku ásamt manni sínum **Jóni Arnari Guðbrandsyni**. Sú sjötta opnar þar í byrjun mars og því er í mörg horn að líta. Sem væri kannski ekki svo mikið ef hún hefði ekki eignast dreng fyrir rétt tæpum tveimur mánuðum. Sirkus ræddi við þessa kjarnakonu sem segir það ekki vera neitt mál að sameina móðurhlutverkið og kröfuharðan viðskiptaheiminn.

Ingibjörg á tvo stráka. Sá eldri, Natan Smári, verður sjö ára á þessu ári en sá yngri, Baltasar Smári kom í heiminn þann 11. desember síðastliðinn. Fæðingin gekk ekki þrautalaust því Baltasar var tekinn með keisaraskurði. Allt gekk þó vel að lokum og mæðginin voru komin heim aðeins þremur dögum seinna.

Jafn ótrúlegt og í fyrsta sinn

„Þetta er algjört kraftaverk og yndisleg tilfinning að fæða þennan dreng í heiminn. Þetta var jafn ótrúlegt og í fyrsta skiptið,“ segir Ingibjörg aðspurð um fæðingu Baltasars Smára. „Hann er alveg rosalega góður og það er eiginlega ekki hægt að fara fram á að hann sé betri. Hann fæddist með fullt af svörtu hári og er alveg eins og pabbi sinn – hann er meira að segja með kollvikin hans,“ segir Ingibjörg og hlær.

Það er í nógu að snúast við að fæða ungan og heilbrigðan dreng og Ingibjörg segir soninn vera mikinn sælkera. „Hann þungist hratt, drekkur mikið og vaknar á tveggja klukkustunda fresti til að fá sitt. Það er því ekki mikið um svefn þessa dagana og fin stemning í svefnherberginu á nóttunni. Ég get hins vegar ekki kvartað. Hann er svo stór og heilbrigður að ég

get farið að taka hann með í vinnuna,“ segir Ingibjörg og bætir við að hún gæti vel hugsað sér að eignast þriðja barnið fljótlega. „Kannski ekki alveg strax en það mun í það minnsta ekki líða sex og hálf ár á milli eins og raunin var núna.“

Smá afbrýðisemi hjá þeim eldri

Ingibjörg segir það erfiðasta við fæðingu Baltasars Smára hafa verið viðbrögð eldri bróður hans. „Hann er auðvitað mjög stoltur eldri bróðir en þetta eru mikil viðbrögði fyrir hann. Hann var búinn að vera prinsinn í sex og hálf ár og það er erfitt fyrir hann að horfa upp á lítið krli sem fær að

viðtal

sofa í hjónarúminu og eyðir öllum sínum tíma með mómmu. Okkur var sagt að þetta jafnaðist á við að Jón Arnar myndi koma heim með nýja konu og við ættum að vera bestu vinkonur. Þetta er svakalega sterk tilfinning og hann er afbrýðisamur. Það tekur nokkra mánuði fyrir hann að venjast þessu,“ segir Ingibjörg.

„ÉG HUGSA ALDREI UM ÞAÐ AÐ EITTHVAÐ SÉ ERFITT. AUÐVITAÐ GANGA BÖRNIN FYRIR EN ÉG HEF ALDREI VERIÐ FYRIR ÞAÐ AÐ TROÐA ÞEIM Í BÓMULL.“

Að sameina barneignir og vinnu

Eins og áður sagði eru Ingibjörg og Jón Arnar með verslunarrekstur í tveimur löndum, Íslandi og Danmörku og Ingibjörg ætlar út til Danmerkur eftir tvær vikur. „Ég tek hann með mér. Það er svo margt skemmtilegt að gerast þar að ég verð að fara út. Við erum að opna nýja búð í miðbæ Kaupmannahafnar sem verður flaggskip Oasis-keðjunnar í Danmörku og það er afar spennandi,“ segir Ingibjörg sem hræðist ekkert að fara út með svona ungt barn.

„Ég hugsa aldrei um það að eitthvað sé erfitt. Auðvitað ganga börnin fyrir en ég hef aldrei verið fyrir það að troða þeim í bómull. Ég ætla mér ekki að vera á ferðinni allt árið

um kring. Við erum með gott starfsfólk í Danmörku sem við treystum en það er mikilvægt að vera á staðnum þegar stóru hlutirnir gerast.“

Metnaðargirnin minnkar ekki

Ingibjörg hefur komist langt þrátt fyrir ungan aldur en hún varð þrítug í nóvember síðastliðnum. Aðspurð hvort hún hafi ekki hugsað um að slaka á eftir barnsburð segir hún það ekki hafa komið til greina.

„Ég er enn jafn metnaðargjör og ég var áður. Ég vil gera allt enda er ég enn ung. Það kom aldrei til greina að setjast í helgan stein. Ég vil hafa börnunum en það er alltaf spurning um að sauma þetta saman. Vinnan er áhugamál mitt og þetta gekk vel með eldri strákinum hann Natan. Hann byrjaði mjög ungur að fara með okkur í vinnuna og hefur alist upp við það. Það verður auðvitað að passa upp á að það sé ekki mikið rót en ég hef ekki trú á því að það sé öllum fyrir bestu að hafa hlutina niðurnjörvaða. Við vinnum vel saman og fáum mikla hjálp frá foreldrum mínum. Það koma auðvitað erfiðir tímar en við erum ein stór fjölskylda sem hjálpast að,“ segir athafnakonan Ingibjörg.

Texti: Óskar Hrafn Þorvaldsson



Greiðslukjör í allt að 36 mánuði

frjálsframtal Eignin afþrengin

Gleraugað

Bláu húsin við Faxafen Suðurlandsbraut 50 108 Reykjavík

Sími 568 1800

glerauga@innernet.is www.glerauga.is

Sjónmælingar linsumælingar



NordicaSpa – heilsurækt á heimsmælikvarða



NordicaSpa er heilsurækt á heimsmælikvarða sem veitir fyrsta flokks þjónustu í rólegu og fallegu umhverfi.

slökun

Viðskiptavinir NordicaSpa hafa aðgang að þjálfara sem fylgir þeim eftir í tækjasal í hvert skipti sem komið er í heilsuræktina. Boðið er upp á fjölbreytta hóptíma við allra hæfi. Nánari upplýsingar um stundaskrá og hóptíma á nordicaspa.is.

Í heilsulindinni er slökunarlaug og tveir heitir pottar þar sem boðið er upp á herðanudd. Hjá pottunum eru einnig tvær vatnsgufur með ilmi og úti á veröndinni er sauna.

styrking

Við leggjum áherslu á andlega og líkamlega vellíðan – NordicaSpa er heimur út af fyrir sig.

hreyfing





Sæt saman Eyrún Huld og Magni ásamt syninum Marínó á meðan allt lék í lyndi áður en Rockstar-ævintýrið hófst.

ÞEGAR ÆSKUÁSTIN FÖLGNAR

MAGNI ÁSGEIRSSON er á meðal þeirra Íslendinga sem settu mark sitt á árið 2006. Magni tók þátt í bandaríska raunveruleikabættinum Rockstar Supernova og öðlaðist heimsfrægð í kjölfarið. Fjölskylda Magna var allt í einu komin í kastljós fjölmiðlanna og þjóðin hélt mikið upp á þessa litlu fjölskyldu. Fréttir af slitum samvista Magna og æskuástarinnar Eyrúnar Huld Haraldsdóttur komu sem þruma úr heiðskíru lofti og ollu talsverðu uppnámi á meðal aðdáenda þeirra. Sirkus skrásetti sögu þessa óskapars þjóðarinnar.

Magni Ásgeirsson skaust fram á sjónarsviðið síðasta sumar þegar hann var valinn úr hópi 25 þúsund manna um heim allan til að spreyta sig í raunveruleikabættinum Rockstar Supernova. Magni var löngu þekktur á Íslandi enda hafði hann sungið og spilað með hljómsveitinni Á móti sól um árabíl. Fjölskylda hans hafði hins vegar hingað til fengið frið frá ágangi fjölmiðlanna en með velgengni Magna í Ameríku fór það að breytast. Unnusta Magna til margra ára, Eyrún Huld Haraldsdóttir, og sonur þeirra Marínó, voru allt í einu komin inn í mitt kastljós fjölmiðlanna, allir vildu heyra í þeim og þekkja.

Á allra vörum

Flestir eru sammála um að Eyrún Huld hafi staðið sig eins og hetja við að svara spurningum fjölmiðla og í viðtali við DV sagðist hún stolt af Íslendingum og hvernig þeir stæðu við bakið á Magna í keppninni. Eyrún og Magni voru á allra vörum og umfjöllun fjölmiðla hélt áfram eftir að Magni kom heim. Þau voru meðal annars valin eitt af þörum ársins í Hér og Nú og voru auk þess fastagestir í lífsstílsþættinum Innlit útlið þar sem þau fengu hjálp fagmanna við að endurgera heimili sitt í Skerjafirðinum.

Óskapar þjóðarinnar hætt saman

Þegar fréttir af skilnaði Magna og Eyrúnar bárust brá mörgum heldur betur í brún. Í fréttatilkynningu sögðust Magni og Eyrún hafa ákveðið að slíta samvistum vegna þess að þau hefðu fjarlægst tilfinningalega í

kjölfar mikilla breytinga á höfum Magna.

Þetta óskapar þjóðarinnar er hætt saman eftir margra ára samband. Sögurnar voru ekki lengi að spretta upp og þá sér í lagi á vefnum barnaland.is, auk þess sem óprúttinn einstaklingur falsaði netsíðu CNN og sagði frá framhjáaldi Magna og Dilönu Robichaux, sem var ein af keppendum í Rockstar Supernova og kom meðal annars tvívegis til Íslands til að syngja með Magna. Í viðtali við Fréttablaðið blés Magni á allar kjaftasögurnar og það fólk vinsamlegast um að hugsa um eigin vandamál.

Byrjuðu saman á skólballi

Eyrún Huld ólst upp á Egilsstöðum en Magni á Borgarfirði eystri. Þau stunduðu bæði nám í Menntaskólanum á Egilsstöðum og fluttu til Reykjavíkur þegar Magna bauðst staða söngvara hjá hljómsveitinni Á móti sól. Magni og Eyrún höfðu lengi vitað hvort af öðru en kynntust ekki fyrir alvöru fyrr en árið 1997 þegar þau voru bæði í ME. Sagan segir að þau hafi fallið fyrir hvoru öðru á skólballi þar sem hljómsveitin Sóldögg spilaði fyrir dansi. Eitt leiddi af öðru og fyrr en varði voru þau orðin þar, ung að aldri en Magni er þremur árum eldri en Eyrún, hann er fæddur 1978 en hún 1981. Þann 19. september 2005 fæddist Marínó Bjarni og í viðtali við DV sagði Magni að föðurhlutverkið hefði gjörbreytt honum. „Föðurhlutverkið breytti mér algjörlega á sömu sekúndu og ég sá son minn í fyrsta skiptið. Það er það ánægjulegasta sem ég hef nokkurn tímann tekist á við og jafnframt það erfiðasta en ég nýt hverrar mínútu út í æsar“, sagði Magni uppljómaður og bætti við að fjölskyldan

væri númer eitt, tvö og þrjú.“ Vinirnir taka næstu sætin þar á eftir og tónlistin á sæti þar á eftir. Þetta er það sem gefur lífinu gildi.“

Fagnaðarfundur í Los Angeles

TÍMAÁS AF ROCKSTAR-ÆVINTÝRINU

→ **5. apríl 2006** – Magni mætir í prufu fyrir þættina Rockstar Supernova á Gauki á Stöng.

→ **12. júní 2006** – Fréttir þess efnis að Magni hafi komist í átján manna hóp berast.

→ **22. júní 2006** – Í ljós kemur að Magni hefur komist í fimmtán manna hópinn í Rockstar Supernova.

→ **5. júlí 2006** – Sýningar á Rockstar Supernova hefjast á Skjá einum.

→ **30. ágúst 2006** – Magni fær flest stig allra keppenda sem eftir eru.

→ **13. september 2006** – Úrslitakvöldið. Magni endar í fjórða sæti en Lucas Rossi sigrar keppnina.

→ **30. nóvember 2006** – Tónleikar Magna, Dilönu, Storm Large og Toby í Laugardalshöll.

→ **5. janúar 2007** – Fréttatilkynning frá Magna og Eyrúnu berst DV þess efnis að þau hafi slitið samvistum.

Á meðan á Rockstar Supernova keppninni stóð talaði Magni oft um það hversu sárt hann saknaði fjölskyldu sinnar. Hljómsveitar-meðlimir Supernova sáu aumur á honum og buðu Eyrúnu og Marínó til



Dilana Robichaux Eftir að fréttir um samvista Magna og Eyrúnar bárust fóru sögusagnir þess efnis að Magni hefði átt í sambandi við Dilönu Robichaux að spretta upp. Magni segir ekkert til í þeim sögusögnum.

Los Angeles og töluðu margir um að Magni hefði eflst allur við heimsóknina. Áhorfendur heima á Íslandi fylgdust spennir með þessum fagnaðarfundum og ekki minnkuðu vinsældir þáttanna hér heima. Í gömlu viðtali DV við Magna sagðist hann hafa fundið hluta af sér þegar hann kynntist Eyrúnu Huld, að hún væri allt það sem hann gæti hugsað sér í lífsförunaut. Eyrún hefur að sama skapi átt auðvelt með að hrósa honum og hefur bæði kallað hann yndislegan föður og unnusta.

„Hann er opinn, skilningsríkur og traustur. Þeir Marínó eru mjög nánir og ást Magna leynir sér aldrei þegar þeir eru tveir saman. Hann er duglegur, heiðarlegur og umfram allt góður vinur, sagði Eyrún Huld í viðtali og stolt hennar leyndi sér ekki.

sirkus nærmynd

Lífið er ekki rokk og ról

Á meðan á raunveruleikabættinum stóð fékk Magni að hringja heim í hverri viku. Í viðtali við DV sagði Eyrún að Magni hefði aðallega verið að fá fréttir að heiman og hún að heyra hvernig honum líði en lítið hafi verið spjallað um keppnina sjálfa.

Í viðtölum sagði Magni að fjarveran frá fjölskyldunni væri honum erfiðust í keppninni. „Ég er orðinn nógu gamall til að vita hvað skiptir máli í lífinu og það er ekki rokk og ról. Rokk og ról er í öðru sæti. Ef ég fengi ekki að heyra í konunni myndi ég ekki fara út. Ég segi það af fullri alvöru. Ef mér yrði tilkynnt að ég mætti ekki tala við hana myndi ég bara segja þeim að fara norður og niður,” sagði Magni áður en hann hélt út til að freista gæfunnar.

Fjölskyldan í fyrsta sæti

Magni gekk í heimavistarskólann á



Magni Ásgeirsson Magni fékk bæði viðurnefnið Magni „okkar“ og Magnificent og þótti standa sig frábærlega í Rockstar Supernova raunveruleikabættinum þar sem hann endaði í fjórða sæti.

Eiðum á unglingsaldri þar sem hann sökkta sér ofan í tónlistina og stofnaði meðal annars hljómsveitina Shape sem gaf út eina plötu. Líf hans tók hins vegar breytingum þegar hann gekk til liðs við Á móti sólarárið 1999. Hljóm-

sveitin hefur gefið út sex plötur og er ein af þekktustu sveitaballhljómsveitum landsins auk þess sem frægð sveitarinnar hér á landi hefur aukist eftir velgengi Magna í Rockstar-ævintýrinu. Tónlist hefur alltaf átt allan

hug Magna sem kemur úr mikilli tónlistarfjölskyldu. Þeir sem þekkja hann best segja hins vegar að fjölskyldan skipi stærstan sess í hans hjarta og að hann reyni að komast austur eins oft og hann getur. Á milli þess sem Magni spilar tónlistina hefur hann starfað við að smíða úr plexígleri hjá fyrirtækinu Akron.

Stolt af íslensku þjóðinni

Eyrún Huld lauk B.A. prófi í íslensku vorið 2004 frá Háskóla Íslands og hefur meðal annars starfað hjá flutningafyrirtækinu Flytjanda. Eyrún þykir hafa staðið sig vel í öllu því fjölmiðlafári sem myndast hefur í kringum þetta ævintýri Magna og flestir eru því sammála að hún hafi greinilega bein í nefinu. Þegar í ljós kom að Magni gæti endað sem sigurvegari Rockstar-keppninnar sagðist Eyrún alveg geta hugsað sér að flytja til Bandaríkjanna á meðan Magni myndi elta draum um frægð og frama. Fjölskyldan yrði einfaldlega að aðlagast nýjum aðstæðum.

„Ég gæti vel hugsað mér að flytja út, það er allt opið enda væri bara gaman að prófa að búa í Bandaríkjunum í einhvern tíma,” sagði Eyrún á sínum tíma í viðtali við DV og bætti við hversu ánægð hún væri með íslensku þjóðina og hversu þétt hún stæði við bak Magna.

„Hvernig sem fer er hann sigurvegari. Hann hefur fengið alveg frábæra lífsreynslu út úr þessu, fengið að kynna þessum heimi, þessum tónlistarmönnum og spila með þessu húsbandi sem er víst að hans mati eitt besta bandið sem hann hefur heyrt spila.“

Á leið í tónleikaferðalag

Magni og Eyrún hafa haldið sig utan við sviðsljós fjölmiðlanna síðan fréttir af slitum samvista þeirra bárust landsmönnum. Eyrún neitaði Sirkus viðtali þegar eftir því var leitað en í viðtali við Fréttablaðið sagðist Magni vera á leið út til Ameríku í sjö vikna tónleikaferðalag með félagum sínum

úr Rockstar, þeim Toby Rand og Dilönu auk þess sem hljómsveit Dave Navarro, The Panic Channel, muni einnig spila á tónleikum.

„Þetta er svolítið öðruvísi en að troða upp í Hreðavatnsskála, bæði verður rútan mun flottari og svo erum við að spila á tónleikastöðum sem hýsa tugi þúsundir áhorfenda,” segir Magni léttur í bragði. Í viðtali við Morgunblaðið sagðist Magni hafa sótt um sem gítarleikari í húsbandinu fræga enda oft lýst yfir aðdáun sinni á hæfileika hljómsveitarmedlima. Hins vegar sagðist hann ekki hættur með Á móti sólarári. Sú hljómsveit væri og yrði áfram hljómsveitin hans.

Álagið varð of mikið

Það hefur verið skemmtilegt að fylgjast með Magna á síðastliðnu ári. Margir segja að hann hafi loksins fengið þá athygli sem hann ætti skilið enda hafa margir viðurkennt að hafa ekki fáttað hversu góður söngvari Magni væri fyrr en Kaninn kenndi okkur að meta hann. Við fylgdumst ekki aðeins með Magna heldur fengum við líka að kynna fjölskyldu hans og margir tóku það afar nærri sér þegar fréttir af skilnaði hans og Eyrúnu bárust.

Íslendingar ætluðu að springa úr stolti yfir frammistöðu Magna í Rockstar, bæði vegna söngsins og framkomu hans og þess hvernig honum tókst að halda sér niðri á jörðinni þrátt fyrir velgengni sína. Það er hins vegar ekkert grín að viðhalda ástinni frammi fyrir alþjóð eins og Hollywood-stjörnurnar hafa oft sannað. Álagið verður á köflum of mikið. Magni hefur blásið á allar kjaftasögur og sagði í viðtali við Morgunblaðið að svo framarlega sem hans nánasta fjölskylda og vinir vissu sannleikann þá væri honum sama hvað aðrir héldu.

„Fyrsta reglan ef maður ætlar að verða eitthvað þekktur eða frægur, eða hvað sem maður vill kalla það, er að vita að það þýðir ekkert að berjast við kjaftasögur, það gerir hlutina bara helmingi verri.“



EKKERT FJARLÆGT! ENGU BÆTT VIÐ!



Hollywood Hanna

Engin feluleikur
Jessica Biel og Derek Jeter hafa ekki nennt því að fela samband sitt lengur og við fögnum því.



OG NÝJASTA PARIÐ ER...

Fyrst var það **J-Lo** svo **Beyoncé** og nú er það **Jessica Biel** sem alveg rosalega bootylicious. New York Yankee-stjórnumni **Derek Jeter** finnst það greinilega líka og er það loksins staðfest að þau séu par. Þau voru samt ekkert að leiðast á ströndinni á Puerto Rico, en þau mættu saman. Gott fyrir þau. Okkur finnst samt að Jessica geti gert betur en þetta.



Heitt par
Derek Jeter er stjarna New York Yankees og kvennaður mikill. Hann hefur fangað hina upprisandi stjórnú Jessicu Biel.

ÚTSALAN
er hafin og úrvalið er ótrúlegt!

ANAS
Fjórður • Hafnarfirði • 565 7100

I'm bringin' sexy back... Yeah right!

Okei, við biðum öll þolinmóð eftir að **Britney** litla rasaði út eftir skilnaðinn við **K-Fed**. Það er algjörlega eðlilegt að stúlkan hafi dottið í djammgirinn. En svo djammaði hún og djammaði, sýndi okkur klobbann á sér, hékk með Paris Hilton og nú síðast leið næstum því yfir hana í áramótaveislu þar sem hún var gestgjafinn.

Nú er botninum náð. Hún getur ekki einu sinni litið almennilega út á almannaferi. Britney, taktu þig saman í andlitinu, sinnu krökkunum þínum og komdu með heljarinnar kombakk. Og hananú.

Einu sinni var... Britney Spear heitasta gellan á þessu jarðriki.



Og nú... Bara eins og það sé eitthvað að henni. Britney, þetta er of sorglegt.



Pissað upp í vindinn Orlando Bloom pissar úti í náttúrunni eftir brimbretta-reið og við fáum að vera með honum í því. Spennandi

Náttúrubarnið Orlando Bloom

Já, það getur verið alveg óþolandi að vera frægur. Líf fræga fólksins er myndað í bak og fyrir. **Orlando Bloom** komst að því á dögunum er hann var að surfa í frítíma sínum. Kappinn kemur upp úr sjónum, greinilega alveg að pissa á sig, rennir gallanum niður og pissar upp við bergið. Ekkert að því. Við höfum öll þurft að pissa úti í náttúrunni einstaka sinnum. En svo þegar hann var búinn að því tók kappinn eina góða horsyrpu. Putti á aðra nösina og svo var snýtt ærlega. Fótbolta-kappar gera þetta og maður lítur framhjá því, en guð minn góður hvað þetta er mikill viðbjóður. Kynþokki Orlando Bloom minnkaði niður í einn við þetta.



Neiii! Þetta er bannað, Orlando. Ekki mjög smart mív þarna.



Ashlee Simpson Flott stelpa, en kannski ekki í bikinii

Jessica Simpson Mega kroppur og fallegri í laginu en systirin.

Ashlee Simpson Ekki alveg jafn mikill kroppur og systirin

Árið 2006 var ekki ár **Jessicu Simpson**, það er alveg á hreinu, en yngri systir hennar **Ashlee** hefur verið mikið í sviðsljósinu og plumar sig ágætlega í bransanum. Systurnar eru alveg rosalega ólíkar. Syngja allt öðruvísi tónlist, klæða sig eins og svart og hvít og mörgum finnst Ashlee miklu fríðari en Jessica. Það er alveg bókað mál að systurnar keppast svolítið um athygli fólksins og þá sérstaklega athygli þabba síns sem er umboðsmaður þeirra beggja. Jessica getur þó sagt vera meiri kroppur en systir sín. Það verður bara að segjast að Ashlee lítur eitthvað þínulítið skringilega út í bikinii. Hún er greinilega mjög íþróttalega vaxin og er ekkert að því, en það er eitthvað furðulegt við þetta. Jæja, maður getur víst ekki fengið allt.

30%

30% afsláttur af rúmum rafstillanleg og hefðbundin. Nýtt kortatímabil

- Baðsloppar 20% afsláttur
- Handklæði 30% afsláttur
- Rúmteppasett 20-40% afsláttur
- Sængurfatnaður 20% afsláttur

Útsala 20-50% afsláttur

RÚMCO

Langholtiavegi 111, 104 Rvk. Sími 568 7900
Opíð virka daga 11-18, laugardaga 11-16


Lagerútsala að Kletthálsi 13

Hefst fimmtudaginn 11. janúar
Nýtt kortatímabil


Gildir meðan
birgðir endast

Inngangur

Takmarkað
magn



20-70% afsláttur



af sófasettum og
gjafavöru:
kerti, kertastjakar,
skrautsandur, glervara,
dúkar, púðar og
margt fleira



af útlitsgölluðum
og eldri gerðum
af heilsudýnum,
stillanlegum rúmum,
náttborðum, göflum og
ýmsum fylgihlutum



HÚSGÖGNIN
HEIM

AKUREYRI

Svefn & heilsa



www.svefn.is

Listhúsinu Laugardal, 581 2233 • Dalsbraut 1, Akureyri, 461 1150
Opið virka daga 10:00 - 18:00 - laugardaga 11:00 - 16:00

helgin

Lay Low seldi meira en Idol-stjörnur til samans

Við mælum með



„Ég mæli með góðum kaffibolla í Kaffitári í Kringlunni. Ég get ekki byrjað daginn án þess að fá mér kaffi á þeim stað. Ef það klikkar ég er ómöguleg.“

Bórunn Högnadóttir sjónvarpskona



„Ég mæli með kvikmyndinni Little Miss Sunshine. Þetta er alveg æðisleg grínmynd sem ég fór á í bíó og skemmti mér konungslega. Manneskjuleg mynd, flott skrifuð og leikin. Flott frá A-Ö.“

Valur Sævarsson söngvari

Það kemur kannski mörgum á óvart að hin átján ára gamla Lovísa Elísabet, betur þekkt sem Lay Low, hafi selt meira af sinni fyrstu plötu á síðasta ári heldur en þrjár Idolstjörnur samanlagt. Lay Low seldi rúm sjö þúsund eintök af plötu sinni en Hildur Vala Einarsdóttir, Snorri Snorrason og Bríet Sunna Valdemarsdóttir seldu samanlagt rétt rúmlega sex þúsund plötur.

„Þetta er skemmtilegt. Ég hef aldrei unnið Idolið og bjóst nú eiginlega ekki við þessum viðtökum. Þetta átti nú



Lay Low Aldrei unnuð Idol en seldi samt grímt af plötum fyrir jólin.

bara að vera pínulítil frumraun en ég er afar þakklát fyrir móttökurnar“, segir Lay Low í samtali við Sirkus.

Virðist ekki vera nein ávísun á gott gengi á plötumarkaðnum að hafa slegið í gegn í sjónvarpsþættinum Idol Stjörnuleit á Stöð 2. Í það minnsta gekk þeim þremur einstaklingum sem skutust upp á stjörnuhimininn í þættinum, Hildi Völu, Bríeti Sunnu og Snorra, ekki vel að selja sínar plötur fyrir þessi jól.

Mestar vonir voru bundnar við Hildi Völu, sem vann Idolið árið 2005. Hún gaf út sína fyrsta plötu sama ár og seldist hún afar vel, í um 7000 eintökum. Hún gaf út sína aðra plötu nú í nóvember sem bar nafnið Lalala. Sú plata gekk ekki jafn vel og stendur nú í um 2000 eintökum.

Suðurnesjastúlkan Bríet Sunna söng sig inn í hug og hjórtu landsmanna í Idolinu fyrir ári. Þar hafnaði hún í þriðja sæti og gaf síðan út fyrir síðustu jóla kántríplötuna Bara ef þú kemur með. Sú plata seldist í 2500 eintökum. Verstu útreiðina fékk hins vegar Idol-sigurvegurinn 2006 Snorri Snorrason. Platan hans Allt sem ég á, seldist aðeins í 1600 eintökum sem verða að teljast töluverð vonbrigði miðað við alla þá miklu athygli sem Snorri fékk í kringum sigur sinn í Idolinu.

Eiður Arnarsson, útgáfustjóri íslenskrar tónlistar hjá Senu, segir í samtali við Sirkus að það sé allt annað mál að gefa út plötur en að

Snorri Snorrason Idol-kóngurinn 2006 náði ekki tvö þúsund plötu markinu sem hljóta að teljast vonbrigði.

taka þátt í sjónvarpsþætti eins og Idolinu.

„Það var sjónvarpsþáttur og virkaði vel sem slíkur. Það er hins vegar himinn og haf á milli þess að senda sms í símakosningu heima í stofu og að fara út í búð og kaupa plötu. Vissulega eru þessar tölur vonbrigði fyrir listamennina, kannski að undanskilinni Bríeti Sunnu sem getur unað vel við sitt. Ég bjóst til að mynda við miklu meira af Hildi Völu enda er þetta bráðgöð plata“, segir Eiður og bætir við að það séu aðeins tvær plötur Idol-stjarna sem hafi selst vel, annars vegar fyrsta plata Hildar Völu og hins vegar fyrsta plata Jóns Sigurðssonar, sem oft er kenndur við fimm hundruð kallinn, en hún seldist í yfir 5000 eintökum.

Hildur Vala Seldi fimm þúsund eintökum minna af nýjstu plötu sinni en þeirri fyrstu.



Bríet Sunna Bauð upp á kantrítónlist og seldi 2500 eintök, mest af Idol-stjörnunum þremur sem gáfu út disk fyrir síðustu jól.

Nýtt í bíó

JOSH HARTNETT SCARLETT JOHANSSON AARON ECKHART og HILARY SWANK
 MYND EFTIR BRIAN DE PALMA, LEIKSTJÓRA SCARFACE OG THE UNTOUCHABLES

the Black Dahlia

Byggð á sögu eftir höfund L.A. Confidential

Útsalan í fullum gangi

50%
afsláttur af
öllum vörum

NEXT

sími 551 3200

Fullkominn svefn

Árið 1852 hóf fjölskylda í litlum sænskum bæ, Köping, að handgera rúm. Fimm kynslóðum síðar eru þau enn að búa til rúm sem af mörgum eru talin vera þau bestu í heimi og hvergi er slegið af kröfunum um þægindi. Hästens rúmin eru einu handgerðu rúmin í heiminum sem eru eingöngu unnin úr náttúrulegum efnum. Það er hvorki einfalt né ódýrt, en árangurinn er óviðjafnanleg þægindi. Ullin heldur á þér hita þegar kalt er en heldur hita frá þér þegar heitt er. Hrosshárin loftræsta raka úr dýnunni. Hörinn kemur í veg fyrir stöðurafmagn. Bómullin gefur rúminu mykt. Viðarumgjörðin er úr furu sem vex hægt norðan við heimskautsbaug og gerir rúmið eins sterkbyggt og endingargott og hugsast getur. Syfjar þig? Komdu í verslun okkar og upplifðu hvernig svefninn í Hästens rúmi er gjöf frá náttúrunni. Við munum örugglega vekja þig fyrir lokun.



Hästens 
since 1852

Gæðavara byggð á 150 ára
sænskri hefð nú fáanleg á Íslandi.

Verið velkomin.

Hästens verslunin í Reykjavík

Grensásvegi 3

108 Reykjavík
sími 581 1006

www.hastens.com